



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-I/25-3-40-341-4/21**

Datum: **09.09.2021. godine**

«Agencija za vodno područje rijeke Save» Sarajevo rješavajući po zahtjevu Investitora „NAJKO” d.o.o. Jajce za donošenje rješenja o vodnoj dozvoli za ispuštanje oborinskih onečišćenih voda u prirodni recipijent sa lokacije i iz objekta benzinske crpke koja se nalazi u naselju Vinac, općina Jajce, na osnovu člana 109. stav (1) Zakona o vodama («Službene novine Federacije BiH, broj 70/06) i člana 200. Zakona o upravnom postupku («Službene novine Federacije BiH», broj 2/98 I 49/99), donosi:

RJEŠENJE **o vodnoj dozvoli**

1. Daje se vodna dozvola Investitoru „NAJKO” d.o.o. Jajce, za ispuštanje oborinskih onečišćenih voda u prirodni recipijent sa lokacije i iz objekta benzinske crpke koja se nalazi u naselju Vinac, općina Jajce, na zemljištu označenom kao k.č. broj: 1652 i 1658/1, zk.ul. br.231, K.O. Vinac, općina Jajce.
2. Ova vodna dozvola se odnosi isključivo za ispuštanje oborinskih onečišćenih voda sa lokacije i objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da se smještaj nafte i naftnih derivata vrši u ukopanim čeličnim dvoplašnim rezervoarima ukupne zapremine 110 m³ (2x40+20+10 m³).
 - 3.3. Korisnik objekta je obavezan redovno vršiti kontrolu međuplašnog prostora rezervoara za naftne derivate, njihovo čišćenje, kao i kontrolu rada.
 - 3.4. Da se uspostavi i redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH”, broj 14/10, 14/13 26/14, 23/17 i 41/20).
 - 3.5. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža i upojni bunar) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.

Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 3.7. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.8. Talog iz separatora se ne smije ni privremeno odlagati na česticu „vodno dobro”, odnosno u vodotoke i na njegove obale.

- 3.9. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.10. Za sve izgrađene objekte ishoditi uporabnu kao i okolišnu dozvolu od nadležnih institucija.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
 5. U periodu važenja ove dozvole, investitor odnosno korisnik „NAJKO“ d.o.o. Jajce je dužan provoditi sve mjere i aktivnosti propisane istom.
 6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.
 9. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od dana pravosnažnosti ovog rješenja.
 10. Prije isteka važnosti ove dozvole Investitor „NAJKO“ d.o.o. Jajce, dužan je da zatraži izdavanje nove vodne dozvole.

O b r a z l o ž e n j e

Investitor „NAJKO“ d.o.o. Jajce, podnio je zahtjev za izdavanje vodne dozvole za ispuštanje oborinskih onečišćenih voda u prirodni recipijent sa lokacije i iz objekta benzinske crpke koja se nalazi u naselju Vinac, općina Jajce, na zemljištu označenom kao k.č. broj: 1652 i 1658/1, zk.ul. br.231, K.O. Vinac, općina Jajce.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Aktualni izvod iz sudskog registra broj: 051-0-RegZ-21-001023 od 06.07.2021. izdano od općinskog suda u Travniku,
- Kopija uvjerenja o poreskoj registraciji „NAJKO“ d.o.o. Jajce od 02.04.2009.god. izdan od kantonalnog, poreznog ureda Novi Travnik,
- Kopija uvjerenja o registraciji obveznika poreza na dodanu vrijednost i identifikacijskom broju, broj: 04/1-UPJR/1-4411-2/10 od 08.10.2010.godine izdanu od Uprave za indirektno oporezivanje Banja Luka,
- Kopija rješenja o građevinskoj dozvoli izdana od strane Službe graditeljstva/urbanizma, prostornog uređenja, geodetskih, katastarskih i imovinsko pravnih djelatnosti Općine Jajce br:03-23-5-76/12 od 09.07.2012.,
- Kopija uplatnice administrativne takse,
- Investiciono-tehnička dokumentacija – Glavni projekt vanjskih hidrotehničkih instalacija benzinske stanice „NAJKO“ d.o.o. Jajce izrađen od „EDI-ING“ d.o.o. Donji Vakuf iz prosinca 3/2021.,šifra projekta 20/03-J/1,
- Atestno tehnička dokumentacija za čeličnu nadstrešnicu izrađena od poduzeća MetaComm d.o.o. Jajce iz 2019.god.,
- Glavni mašinski projekt plinske kotlovnice za potrebe benzinske stanice NAJKO izrađen od poduzeća MetaComm d.o.o. Jajce iz 6/2018.god.,
- Glavni mašinski projekt hidrantske mreže za potrebe benzinske stanice NAJKO izrađen od poduzeća MetaComm d.o.o. Jajce iz 6/2018.god.,
- Atestno tehnička dokumentacija za ugrađene dvoplašne spremnike ukupne zapremine 110 m³ (2x40+20+10 m³) izrađene od poduzeća MetaComm d.o.o. Jajce iz 10/2015.god.,

- Atestno tehnička dokumentacija za ugrađeni separator ulja i masti izrađene od poduzeća AG METAL d.o.o. Zenica iz 8/2017. god.,
- Atestno tehnička dokumentacija za ugrađeni biološki uređaj na bazi aktivnog uglja tip COMPACT, proizvođača ISEA d.o.o. Rijeka od strane KB-PRISTER d.o.o. Zagreb iz 9/2014. god.,
- Predugovor za čišćenje i održavanje separatora ispostavljen od poduzeća „DELTA PETROL“ d.o.o. Kakanj iz 7/2021. god.,
- Rješenje o Vodnoj suglasnosti br. UP-I/25-2-338-3/12 od 09.07.2012. god., izdato od AVP Sava.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak poslovnog objekta i tom prilikom je sačinjen zapisnik o uviđaju broj: UP-I/25-3-40-341-3/21 od 02.09.2021. na kome je konstatirano sljedeće:

Predmetni poslovni objekt je izgrađen u naselju Vinac, zemljištu označenom kao k.č. broj: 1652 i 1658/1, zk.ul. br.231, K.O. Vinac, općina Jajce.

Benzinska crpka sastoji se od nadstrešnice s automatima za istakanje goriva, objekta za prodaju i uredski prostor, manipulativnog prostora koji je potpuno asfaltiran.

Naftni derivati su skladišteni u dvoplašne spremnike ukupnog kapaciteta 110 m³ (2x40+20+10 m³) za koji Investitor ima uredne ateste.

Oborinske vode s manipulativnih površina se skupljaju i odvođe do separator ulja i masti sa koalascentnim filterom tip AGM 3000 MK VC-T DN 200 za koji Investitor posjeduje uredan atest.

Vodopskrba je sa lokalnog vodovoda.

Sanitarne i fekalne vode se upuštaju u biološki uređaj na bazi aktivnog uglja tipa BIO-CRO CASA 3, za koji Investitor ima uredan atest.

Za postojeće, izgrađeno stanje objekata Investitor posjeduje građevinsku dozvolu.

Objekt se ne nalazi u vodnom dobru.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa članom 116. stav (1) i članom 13. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatira se da je podnosilac zahtjeva „NAJKO“ d.o.o. Jajce, ispunio minimum uvjeta za izdavanje vodne dozvole za ispuštanje oborinskih onečišćenih voda u prirodni recipijent, te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Marko Barić, dipl.ing.građ.

Za - Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „NAJKO“ d.o.o. Jajce, Donji Bešpelj bb, Jajce
- ☐ AVP, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava